



UNIVERSITÄTS-
BIBLIOTHEK
PADERBORN

**BREVIS|| INSTRVCTIO|| AD CORROBORAN-||DOS AC
IVVANDOS MO-||RITVROS, EOS PRAESERTIM|| qui ob
flagitia sua, publica Iudi-||cum sententia morti ad-||dicti
sunt:||**

Isella, Francesco

Coloniae Agrippinae, 1588

VD16 I 344

Articulus XV.

[urn:nbn:de:hbz:466:1-60044](https://nbn-resolving.org/urn:nbn:de:hbz:466:1-60044)

94 INSTRUCTIO AD
sanctissimo inflamma. Dulcis hospes
animæ, sterilitatem cordis meæ fœ-
cūda; suspiria & lachrymas deuotio-
nis excita. O liberalissime bonarū re-
rum largitor, animam meam omni-
bus affectibus mundanis euacua; im-
ple donis tuis cœlestibus, & (quā præ
cæteris desidero) dono fortitudinis
corroborata, vt in hoc vltimo vitæ meę
articulo mortem cū gaudio sustineā,
& postea triumphans, tuisque gratijs
opulentus merear accipere coronam
vitæ, & in æternam gloriam, vbi sine
fine te laudem, intrare. Vbi cum Pa-
tre & Filio viuis & regnas per omnia
secula seculorum, Amen.

Articulus XV.

Luc. 18.

Opera San-
ctorum dam-
natus implo-
ret.

Oportet semper orare, inquit Saluator,
præsertim in extremo (quod & ipse fe-
cit) vitæ certamine. Tunc enim vidēs
Diabolus parum sibi temporis super-
esse, solet tētationes multiplicare. Id-
coq; præter orationes ad Deum præ-
missas, etiam recurrendum est ad
intercessiones Sanctorum, vt quod iu-
stè negari potest nostris meritis, per
merita Sāctorum obtineamus. Si ho-
mo ad conseruandam vitam tempo-
ralē, aut bona terrena imploret auxi-
lium

IVVANDOS MORIENTES. 79

lium amicorū Regis, & Domini sui; multo magis id facere par est, ad consequendam vitam æternam, & hereditatem cœlestem. Inter primos autem, & charissimos amicos Regis Regum, & Domini dominātium primum locum benedicta Mater eius occupat: eaq; cæteris omnibus est charior; & orationes per manus illius oblatae repulsum nō patiuntur. Ad Mariā igitur ante omnes alios captiuus debet currere, cū ea sit magna illa Regina, peccatorum Aduocata, miserorū refugium, mœstorum cōsolatio; Mater gratiæ & misericordiæ, fons pietatis, schola cœli, & porta Paradisi. Ex Maria ort^o est nobis Sol iustitiæ Christus Dominus noster, qui soluens maledictionem, dedit nobis benedictionem, & confundens mortem, donauit nobis vitam sempiternam. Per Mariam gustamus suauem & benedictū fructum ventris eius sanctissimi, qui sanitatem adfert infirmis, & vitam moriētibus. Per Mariā accepimus pretiosum illū cibum panis viui, qui de cœlo descēdit, qui nobis dat fortitudinē, qua vincim^o tentationes, & ad supernā patriam festinamus. Omnia bo

Beata Virgo
inuo^{ca}nda.

76 INSTRUCTIO AD

na, omniaque dona hæc nobis sunt præparata, utque nos accepturos ea speremus, voluit Deus nos illa accipere mediante Virgine Matre, quæ triumphantium in cælo est gaudium, pugnantium in terra protectio, & laborantium in Purgatorio refrigeriũ. Non est creatura, nec humana, nec Angelica, quæ non participat de plenitudine gratiæ, quæ est in Maria. Nemo vnquam potētissimam hanc adiit Aduocatam, qui non est exauditus, vel protectus. Illa enim (vt Bernardus ait) implorans gratiam à Filio, monstrat illi vbera quæ suxit: & Filius vidēs illa, mouetur ad petitionem Matris, oratque Patrem, illi sua exhibens vulnera: Pater videns vulnera, nimio liquefcit amore erga Filiũ, & dat homini, quicquid illi ad salutem est necessarium.

Hæc & huiusmodi poterit Conso-
lator amplificare, & commemorare
nōnulla miracula Virginis huius pi-
jssimæ: quomodo sæpe tulit opem
his, qui in extremis erant constituti
vitæ periculis. Cumque iam captius
confidit se exauditum iri, poterit se-
quentem orationem, aut aliam reci-
tare meliorem..

Glo-

na
fu
ve
m
hæ
ha
eta
qu
po
ti
ri
m
te
d
e
m
o
m
se
in
d
t
r
f
r
h
v
1

IVVANDOS MORIENTES. 77

Gloriosa Virgo, Mater Dei, Regi-
 na cœli, & Domina Angelorum, nō
 sum dignus, qui in conspectum tuum
 veniam, propter peccatorum meorū
 multitudinem: certus tamen sum, qđ
 hæc omnia superat tua clementia, cū
 hac securitate ad te venio, ô mater pi-
 etatis, & oro te per dolorem illum,
 qui transfixit animum tuum, quo tē-
 pore filius tuus patiebatur; & per læ-
 titiam, qua in eius resurrectionis glo-
 ria exultasti, ne repellas orationem
 meam in hac extrema mea necessita-
 te. Cōfiteor quod peccaui præter mo-
 dum, sed tu es Aduocata peccatorū:
 ego sum plenus miseriarū, sed tu
 mater es misericordiæ; in me regnat
 omne vitium, in te virtus omnis do-
 minatur. O mater sanctissima; excu-
 set corā Filio tuo tua sanctitas meas
 iniquitates, tua puritas meam immū-
 ditiam, tua charitas meorū tegat mul-
 titudinem peccatorum. In hac hora
 mortis adiuua me mater gratiæ, de-
 fende me ab impugnationibus Dæ-
 monis, mundi, & carnis: impetra mi-
 hi victoriam contra inimicos meos,
 vt te mediante coronam gloriæ det
 mihi tuus Filius, qui te mediāte datus

Oratio ad
 B. Virginē.

D s est

78 INSTRUCTIO AD

est mihi Saluator & Redemptor. Succurre mihi citò Sancta Dei Genitrix: conuerte in me pios tuos oculos, mōstra te esse Matrem; fac vt post huius miserimæ lachrymarum vallis exilium, dignus sim videre Iesum, fructū ventris tui benedictum in patria beatorum, vbi tu sedes exaltata super omnes choros Angelorum, Amen.

Quo loco in hac oratione mentio fit de doloribus, vel gaudijs Dominæ nostræ, potest extendi consideratio ad aliquod quindecim mysteriorum Rosarij. In oratione verò sufficit generaliter sub breuitate attigisse, sicut fit in oratione prædicta.

Articulus XVI.

Vt magis magisque animetur & corroboretur captiuus, poteris illi promittere communionem auxilij, quod recipimus à S. Angelis, missis à Domino in circuitum timentium eum ad defensionem eorum, vt custodiant eos in omni loco. Sic legimus Loth, Eliam, Daniele, pueros in fornace Babylonica, Thobiam, Sanctum Petrum in vinculis, aliosque & veteres & recentes ab Angelis defensos esse. Explicari poterit magna illorum

Genes. 11.
3 Reg. 18.
Dan. 3. 6.
Thob. 11.
Act. 12.